

欽定續通志



欽定續通志卷四百十七

列傳

遼一

耶律赫魯

耶律寶納齊

隆科

佛德

耶律允

耶律哈里

耶律達喇

蕭痕篤

康默記

德壽

韓延

徽德樞

紹勳

韓知古

匡嗣

德源

耶律迪里

伊濟

耶律都沁

古

國公卜

王郁

耶律岡勒錦

耶律嘉哩

高模翰

趙思溫

耶律烏魯斯

張礪

耶律赫魯字庫門一字洪隱德呼勒部人祖實默克簡獻皇帝兄父烏蘇約尼時爲本部額爾奇木赫魯性質厚在髫髻與太祖遊從父舒魯奇之曰興我家者必二兒也太祖既長相與易裘馬爲好然赫魯事太祖彌謹會華格弑其父舒魯太祖顧赫魯曰華格弑父料我必不能容將反噬我今彼歸罪特順爲解我姑與之是賊吾不忘也自是赫魯常佩刀從太祖以備不虞居久之赫魯父烏蘇病召赫魯曰按巴堅神略天授汝率諸弟赤心事之太祖來問疾烏蘇執其手曰爾命世奇才吾兒赫魯他日可委以事吾已諭之矣太祖爲塔瑪轄實呼參預部族事赫魯領數騎召小黃室韋來附太祖素有大志而知赫魯賢軍國事非赫魯議不行會討裕爾庫與烏爾固部赫魯爲前鋒戰有功及太祖爲德呼勒部額爾奇木討奚部其長珠爾偪險而壘攻莫能下命赫魯持一箭往諭之既入爲所執廼說奚曰契丹與奚言語相通實一國也我額爾奇木於奚豈有較轢之心哉漢人殺我祖奚首顧爾奇木怨刺骨日夜思報顧力弱使我求援於奚傳矢示信耳額爾奇木受命於天撫下以德故能有此衆也今奚殺我違天背德不祥莫大焉且兵連禍結當自此始豈爾國之利乎珠爾感其言乃降太祖爲裕悅秉國政

欲命赫嚕爲德喀勒部額爾奇木辭曰賊在君側未敢遠去太祖討黑車子室韋幽州劉仁恭遣養子趙霸率衆來救赫嚕伏兵桃山俟霸衆過半而要之與太祖合擊斬獲甚衆遂降室韋太祖會李克用於雲州赫嚕侍克用額而壯之曰偉男子爲誰太祖曰吾族赫嚕也會約尼哈陶津汗歿羣臣奉遺命請立太祖太祖辭曰昔吾祖額爾奇木雅里嘗以不當立而辭今若等復爲是言何歟赫嚕進曰曩吾祖之辭遺命弗及符瑞未見第爲國人所推戴耳今先君言猶在耳天人所與若合符契天不可逆人不可拂而君命不可違也太祖曰遺命固然汝焉知天道赫嚕曰聞裕悅之生也神光屬天異香盈幄夢受神誨龍錫金佩天道無私必應有德我國削弱日久天生聖人以興起之汗知天意故有是命且約尼九營基布非無可立者小大臣民屬心裕悅天也天時人事幾不可失太祖猶未許是夜獨召赫嚕責曰衆以遺命迫我汝不明吾心而亦僥倖耶赫嚕曰在昔額爾奇木雅里雖推戴者而衆辭之立蘇爾威爲汗相傳十餘世君臣之分亂紀綱之統墮委質他國若綴旒然羽檄蠶午民疲奔命興王之運實在今日應天順人以答顧命不可失也太祖乃許明日卽皇帝位命赫嚕總軍國事時制度未講國用未充扈從未備而諸弟埒克等往往覬非望太祖宮行營始置腹心部選諸部豪健二千餘充之以赫嚕及蕭達魯總焉已而諸弟亂作太祖命赫嚕總領軍事討平之以功爲德喀勒部額爾奇木時民更兵焚剽日以玩愒赫嚕撫輯有方畜牧盛滋民用富庶討烏爾固部破之自是震懾不敢復叛迺請制朝儀建元率百官上尊號太祖備禮受冊拜赫嚕爲阿勒達爾裕悅阿勒達爾者遼言盛名也後太祖伐西南諸部數爲前鋒神冊二年從逼幽州與唐節度使周德威拒戰汗州西敗其軍遂圍幽州未下太祖班師留赫嚕與盧國用守之俄而救兵繼至嚕赫等以軍少無援退

按五代史云契丹數爲李嗣源等所敗乃解去通鑑亦云契丹大敗俘斬萬計此云兵少無援退諱詞也三年七月皇都成燕羣臣以落之赫

噲是日得疾薨年四十七既葬賜名其阡音德山曰裕悅峪詔立石紀功清寧間命立祠上京初赫噲病革太祖臨視問所欲言赫噲曰陛下聖德寬仁羣生咸遂帝業隆興臣既蒙寵遇雖瞑目無憾惟析德喀勒部議未決願亟行之及薨太祖流涕曰斯人若延三五載吾謀蔑不濟矣太祖二十功一臣各有所擬以赫噲爲心云子塔喇薩喇俱不仕

耶律實納齊字薩喇六院部錫里尼固察之族始字堆音早隸太祖幕下嘗有疾賜罇酒飲而愈澄言酒罇曰薩喇故詔易字焉太祖卽位掌腹心部天贊初分德喀勒部爲北南院實納齊爲北院額爾奇木帝西征至流沙諸部潰散命實納齊撫集之及討渤海圍輝罕城大譴譴降已而復叛諸將分地攻之實納齊感勵士伍鼓譟登陣敵震懾莫敢禦遂破之天顯中卒年七十居佐命功臣之一姪隆科佛德

隆科字薩蘭其母淳欽皇后姊也隆科幼養宮掖既長沉毅有勇略隸太祖帳下既卽位屢有戰功埒克之亂也欲乘不備爲掩襲計給降太祖將納之命隆科耶律允勒士卒以防變逆黨知有備懼而遁以功授右皮室詳裒典宿衛太祖侵燕趙遇唐兵雲碧店隆科恃勇輕敵直犯其鋒戰久之裕數創歸營而卒太祖深悼惜之佐命功臣其一也

佛德字烏庫哩弱冠事太祖天顯初爲左皮室詳裒典宿衛遷南院額爾奇木治有聲石敬瑭破張敬達軍於太原北時佛德勒兵爲援敬達遁敬瑭追至晉安寨圍之佛德領輕騎襲潞州塞其餉道唐諸將懼殺敬達以降會同初改德喀勒部額爾奇木爲大王卽拜佛德旣而加採訪使舊制肅祖以下宗室稱院德祖宗室號三父房稱橫帳百官子弟及籍沒人稱著帳耶律實迪言橫帳班列不可與北南院並太宗詔在廷議皆曰然乃詔橫帳班

列居上佛德曰橫帳始圖爵位之高願與北南院參任茲又恥與同列夫橫帳與諸族皆臣也班列奚以異帝乃詔仍舊制其強直不撓如此佛德狀貌秀偉初太祖見之曰是子風骨異常兒必爲國器後果然卒年四十九按宗本紀統和元年賜佛德等湯藥二年以佛德爲南京統軍使四年敗宋軍於固安統和去天顯幾六十年佛德弱冠事太祖年止四十九安能遽事聖宗本紀所載當別是一人宏簡錄綴之本傳恐未深考耳

耶律允字錫里雅圖魯卜部人祖塔雅克約尼時爲北邊伊喇簡獻皇后與諸子之罹難也嘗倚之以免太祖思其功不忘又多允嚴重有濟世志乃命典司近部以遏諸族覬覦之想允既見器重益感奮思報太祖始置宮分自衛允率門客首附宮籍帝益嘉其忠詔以塔雅克配享廟廷及平呼克等亂以功遷奚德略勒部額爾奇木從征渤海有功天顯初卒後諸帝以太祖之器允也往往取其子孫爲友宮分中稱八房皆其後也弟轄哩終奚六部圖哩

耶律哈里字霽爾昆約尼兆固汗之裔太祖傳位哈里與有力焉時屬籍比局萌覬覦而約尼故族尤觖望哈里多先帝知人之明又素服太祖威德獨歸心焉以故太祖托爲耳目數從征討既靖內亂始置約尼詳袞令哈里領之天顯初征渤海哈里將約尼紮破輝罕城班師卒

耶律達喇字和掄約尼森濟汗之子太祖踐阼與詳袞哈里同心輔政太祖知其忠實命掌禮儀且委以軍事後以平內亂功代轄哩爲奚六部圖哩卒達喇善騎射頗好禮文

蕭痕篤字裕勒沁德略勒部人其先相約尼氏痕篤少慷慨以才能自任早隸太祖帳下數從征討既踐阼除北府宰相痕篤事親孝爲政尙寬簡

康默記本名照少爲薊州衙校太祖侵薊州得之愛其材隸麾下蕃漢相涉事屬默記折衷之悉合帝意時諸部

新附文法未備默記推析律意論決重輕不差毫釐拜左尚書神府三三始建都默記董役人咸勸趨百而訖事五年爲皇都伊勒希巴太祖出師居庸關命默記將漢軍進逼長蘆水寨俘馘其衆天贊四年從征渤海後大

誣譏叛命諸將攻之默記分薄東門率驍勇先登復與韓延徽下長嶺府

按太祖紀默記攻長嶺府時爲額爾奇木軍還已下城邑多

叛默記與阿固察平之破輝發城歸營太祖山陵畢卒佐命功臣其一也孫延壽少倜儻善騎射嘗謂其所親曰大丈夫爲將當效節邊垂馬革裹屍景宗特授千牛衛大將軍宋人攻南京延壽奮擊陣前敵遂大潰以功遙授

保大軍節度使乾寧三年卒

按遼無乾寧年號景宗本紀乾亨二年宋主圖南京以本傳合之當是乾亨之誤

韓延徽字藏明幽州安次人父夢殷累官勳儒順三州刺史延徽少英敏燕帥劉仁恭奇之召爲幽都府文學平

州錄事參軍授幽州觀察度支使及守光爲帥延徽來聘太祖怒其不屈留之使牧羊馬舒嚙后曰彼秉節弗撓

賢者也奈何困辱之太祖召與語合帝意卽命參軍事攻党項室韋服諸部落延徽之籌居多乃請樹城郭分市

里以居漢人之降者又爲定配偶教墾藝以生養之故逃亡者少居久之慨然懷其鄉里賦詩見意遂亡歸唐已

而與他將王緘有隙懼及難乃省親幽州行過常山匿故人王德明舍德明問所適延徽曰吾將復走契丹德明

不以爲然延徽笑曰彼失我如失左右手見我必喜旣至太祖問故延徽曰忘親非孝棄君非忠臣雖挺身逃臣

心在陛下臣是以復來帝大悅賜名曰伊喀伊喀遼言復來也命爲守政事令崇文館大學士中外事悉令參決

天贊四年從征渤海以功拜左僕射又與康默記攻長嶺府拔之太宗朝封魯國公仍爲政事令使晉還改南京

三司使世宗朝遷南府宰相建政事省設張理具稱盡力吏天祿五年

遼史本傳作三河東請行冊禮帝召延徽年今據本紀改

定其制一遵太宗冊晉帝禮應歷中致仕子德樞鎮東平詔許每歲東歸省九卒二十七十八贈尚書令葬幽州

之魯郭世爲崇文令公初延徽南奔太祖夢白鶴自帳中出比還復夢鶴入帳中諸臣謂侍臣曰延徽至矣已而

果然太祖初元庶事草創凡營都邑建宮殿正君臣定名分法度并并延徽力也爲佐命功臣之一子德樞自幼

器宇不凡年甫十五太宗見之謂延徽曰是兒卿家之福朕國之寶真英物也未冠守左羽林大將軍遷特進太

尉時漢人降與轉徙者多寓東平丁歲災饑饉疾癘德樞請往撫字之授遼興軍節度使整紛別蠹恩煦信孚勸

農桑興教化期月民獲蘇息入爲南院宣徽使遙授天平軍節度使平灤營三州管内觀察處置等使門下平章

事已而加開府儀同三司行侍中封趙國公保寧元年卒孫紹勳紹芳紹勳仕至東京戶部使大延琳叛被執不

屈賊以鋸解之憤罵至死紹芳開泰九年爲樞密都承旨據百官志增輯太平四年爲樞密直學士據聖宗紀增輯重熙間參知

政事加兼侍中時廷議征李元昊力諫不聽出爲廣德軍節度使聞敗嘔血卒曾孫資讓大安八年參知政事爲

中京留守據道宗紀增壽隆初知樞密院事拜中書侍郎平章事坐事出爲崇義軍節度使語見道宗紀改鎮遼興卒

韓知古薊州玉田人善謀有識量太祖平薊時知古六歲爲清欽皇后兄允所得后來嬪知古從焉久之未得省

見怏怏不得志挺身逃庸保以供資用其子匡嗣得親近太祖因問言太祖召與語賢之命參謀議太祖破劉守

光軍詔起龍化州建碑以紀功德據太祖紀增入神冊初遙授彰武軍節度使信任益篤總知漢兒司事兼主諸國禮儀

時儀法疏闊知古據故典酌國俗與漢儀雜就之使國人易知而行頃之拜左僕射按太祖紀未盡元之三與康年知古已爲左僕射

默記將漢軍征渤海有功遷中書令天顯中卒爲佐命功臣之一子匡嗣

匡嗣以善醫直長樂宮皇后視之猶子應歷十年爲太祖廟詳袞宋王喜隱謀叛辭引匡嗣帝置不問景宗在藩

邸善匡嗣卽位拜上京留守加封燕王改南京留守保寧未以留守攝樞密使時耶律和克留使宋還言宋人必

取河東合先事爲備匡嗣沮之已而宋人果取太原乘勝逼燕匡嗣與南府宰相刷特哩袞休格侵宋軍於滿城方陣宋人請降匡嗣欲納之休格曰彼軍氣甚銳疑誘我也不聽俄而宋軍鼓譟以進匡嗣倉卒諭諸將毋當其鋒衆既奔遇伏兵扼要路匡嗣棄旗鼓遁其衆走易州山帝怒數之曰違棄衆謀深入敵境爾罪一也號令不肅行伍不整爾罪二也棄我師旅挺身鼠竄爾罪三也偵候失機守禦弗備爾罪四也捐棄旗鼓損威辱國爾罪五也促令誅之皇后引諸內戚爲解帝重違其請良久乃杖而免之既而遙授晉昌軍節度使乾亨二年按宋紀一作三年

改西南面招討使卒後追贈尚書令五子德源德讓後賜名隆運德威德崇德凝德源德凝附傳餘各有傳

德源性愚而貪早侍景宗邸及卽位列近侍保寧間按保寧原文作統和據傳德源以乾亨初卒乾亨爲景宗年號統和爲聖宗年號卒在先仕反在後考德源父子兄弟俱

是侍景宗其弟德讓德威德凝遞繼俱始於保寧德源爲景宗不繼始仕於聖宗朝其爲保寧之訛無疑據改官崇義興國二軍節度使加檢校太師以賄名德讓貽

書諫之終不悛後加同政事門下平章事遙攝保寧軍節度使乾亨初卒

德凝謙遜廉謹保寧中遷護軍司徒統和中崇統和原文作開泰考聖宗紀統和三年德凝由彰武軍節度使爲按義節度使又屬國表統和十九年西南面招討使奏黨項之捷而

供其名以事考之當卽德凝則累遷護衛太保都宮使崇義軍節度使移鎮廣德秩滿部民請留從之改西南面開泰爲統和之誤無疑謹據改

招討使黨項隆伊特拔平之遷大同軍節度使卒於官子果桑終天德軍節度使孫高嘉努終南院宣徽使果實

終遼興軍節度使

耶律迪里字烏塔濟裕悅赫魯之弟初太祖爲裕悅迪里以謹愿寬恕見器使既卽位入侍帷幄與開政事神冊

三年赫魯薨命迪里爲德哈勒部額爾奇木屬以南方事會計黨項皇太子爲先鋒迪里副之軍至天德雲內分

道並進迪里率偏師渡河力戰斬獲甚衆天贊初大元帥略燕地迪里徇山西所至城堡皆下從伐渤海拔扶餘

城留迪里與伊德實守之天顯二年留守東京十年卒年五十六弟伊濟

伊濟小字烏里字伊德森幼豪爽不羣長嗜學通諸部語太祖經營之初多預軍謀天顯元年渤海平立皇太子爲東丹王以伊濟爲中臺省右次相時人心未安伊濟蒞事勤恪威信並行太宗卽位上表曰渤海昔畏南朝阻險自衛居輝罕城今去上京遼邈旣不爲用又不罷戍果何爲哉先帝因彼離心乘釁而動故不戰而克天授人與彼一時也遺種寢以蕃息今居遼境恐爲後患梁水之地乃其故鄉地衍土沃有木鐵鹽魚之利乘其微弱徙還其民萬世長策也彼得故鄉又獲木鐵鹽魚之饒必安居樂業然後選徒以翼吾左突厥党項室韋夾輔吾右可以坐制南邦混一天下成聖祖未集之功貽後世無疆之福帝嘉納之是歲詔徙東丹國民於梁水

太祖本紀作東平

遼史地理志神冊四年葦遼陽故城以渤海漢戶建東平郡天顯三年遷東丹國民居之升爲南京梁水即郡之東梁河也

人皇王奔唐伊濟鎮撫國人一切如故以功加守

太傅遷中臺省左相會同初以冊禮赴闕加特進卒子和爾終東京留守

耶律鄰沁字達年六院部人祖博果濟約尼氏時再爲本部額爾奇木耶律朗德等旣害元祖暴橫益肆博果濟以計誘其黨悉誅夷之都沁幼有志節太祖爲裕悅常居左右後卽位梁人遣使求轅軸材太祖難之都沁曰梁名求材實覘吾輕重宜答曰材之所生必深山窮谷有神司之須白鼻赤驢禱祠然後可伐如此則其語自塞矣已而果然天贊二年將伐渤海都沁諫曰陛下先事渤海則西夏必躡吾後請先西討太祖從之及瀋欽皇后稱制惡都沁囚之誓曰鐵鎖朽當釋汝旣而召之使者欲去鎖都沁曰鐵未朽可釋乎后聞嘉歎趣召釋之天顯二年卒弟古圖魯卜

古字蕭爾昆初名實默克太祖爲裕悅常從略地山右會李克用於雲州古侍克用異之曰是兒骨相非常不宜

使在左右太祖頗忌之時方西討諸弟亂作聞變太祖問古與否曰無喜曰吾無患矣趣召古議古陳殄滅之策後皆如言神策末南伐以古佐右皮室詳袞隆科與唐兵戰於雲碧店隆科中流矢傷甚太祖疑古陰害之古知帝意請遣使問之太祖使問隆科對曰臣於古無可疑者帝意乃釋隆科卒遂以古爲右皮室詳袞既卒太祖謂左右曰古死猶長松自倒非吾伐之也

圖魯卜字托輝幼聰敏嗜學事太祖見器重及製契丹大字圖魯卜贊成爲多未幾爲文班林牙領國子博士知制誥明年受詔撰決獄法太祖略燕詔與皇太子及王郁攻定州師還至順州幽州馬步軍指揮使王千率衆來襲圖魯卜射其馬蹶擒之天贊二年皇子耀庫濟爲大元帥圖魯卜爲副既克平州進軍燕趙攻下曲陽北平至易州李景章出降言城中無鬪志大元帥將修攻具圖魯卜諫曰我師遠來人馬疲憊勢不可久留乃止軍還大元帥以其謀聞太祖大悅賜資優渥車駕西征復與大元帥爲先鋒伐党項有功太祖犒師水精山大元帥東歸圖魯卜留屯西南部討党項多獲而還太祖伐大譚譔圖魯卜先登渤海平承詔銘太祖功德于永興殿壁渤海州郡復叛從大元帥攻破之瀋欽皇后稱制有飛語中傷者后怒圖魯卜懼而亡太宗知其無罪召還天顯三年討烏爾固部俘獲甚衆伐唐以圖魯卜爲左翼攻唐軍霞沙寨降之十一年送晉主石敬瑭入洛及大冊總禮儀事加進特檢校太尉會同五年卒

王郁京兆萬年人唐義武軍節度使處直之孽子伯父處存鎮義武卒三軍推其子郁襲處直爲都知兵馬使梁王朱全忠攻定州郁遣處直拒于沙河兵敗入城逐郁亂兵推處直爲留後郁之亡也郁從之晉王克用妻以女用爲新州防禦使處直陰使郁北導契丹入塞以牽晉兵且許爲嗣神冊六年奉表送款舉室來降太祖以爲養

子未幾郁兄都囚父自爲留後帝遣郁從皇太子討之

按五代史王處直傳招契丹爲援契丹遣

都反唐遣王晏球討之都與郁復至

定州都堅壁不出掠居民而還明年從皇太子攻鎮州遇唐兵于定州破之天贊二年秋郁及阿固齊略地燕趙攻下磁寨務從太祖平渤海戰有功加同政事門下平章事改崇義軍節度使太祖崩郁與妻會葬其妻泣訴於瀋欽皇后求歸鄉國許之郁奏曰臣本唐主之婿王已被弑此行夫妻豈能相保願常侍太后后喜曰漢人中惟王郎最忠孝以太祖嘗與李克用約爲兄弟故也尋加政事令還宜州卒

耶律國勒錦字額哩音肅祖子學順之孫幼善騎射勇而有謀略嘗侍從帷幄太宗立晉之役其父德里古爲五院額爾奇木歿於兵帝卽以其職授國勒錦會同元年改北院大王嘗屏左右與議大事占對合帝意從討石重貴杜重威擁十萬餘衆拒泚沱橋力戰數日不得進帝曰兩軍爭渡人馬疲矣計將安出諸將請緩師爲後圖帝然之國勒錦厲色進曰陛下樂於安逸則謹守四境可也旣欲擴大疆宇出師遠攻詎能無虛聖慮若中路而止適爲賊利則必陷南京夷屬邑爭戰未已吾民無莫枕之期矣且彼步我騎何慮不克如選輕騎先絕其餉道事蔑不濟矣帝喜從其言重威果降明年春卒軍中

耶律嘉哩字布當圖魯卜部人世爲小吏嘉哩早隸太宗麾下擢爲軍校天顯間唐攻定州旣陷嘉哩爲唐兵所獲晉高祖立始歸國太宗賞其罪拜御史大夫會同九年伐晉師次泚沱河奪中渡橋降其將杜重威嘉哩與降將張彥澤率騎兵趨河南所至無敢當其鋒旣入汴嘉哩等遷晉王重貴於開封府彥澤恣殺掠亂宮掖嘉哩不能禁車駕至京斬彥澤嘉哩亦被詰責尋釋之天祿間加守太子太傅應歷初置本部令褒嘉哩世其職卒

高模翰一名松渤海人有膂力善騎射好談兵初太祖平渤海模翰避地高麗王妻以女因罪亡歸坐使酒殺人

下獄太祖知其才貴之天顯十一年唐遣張敬達楊光遠攻太原石敬瑭求救太宗許之徵兵出太原模翰與敬達軍接戰敗之太原圍解帝召賜酒饌翼日復戰又敗之光遠斬敬達降帝諭模翰曰朕自起兵百餘戰卿功第一雖古名將無以加乃授上將軍會同元年册禮成宴百官及諸國使於二儀殿帝指模翰曰此國之勇將朕統一天下斯人力也及晉叛盟出師南伐模翰爲統軍副使與僧額前驅拔赤城破德貝諸寨遂兼總左右鐵鷄子軍下關南城邑數十明年敕虎官楊覃赴乾寧軍爲滄州節度使田武名所圍模翰與趙延壽聚議往救俄有光自模翰目中出縈繞旗矛鏃鏃如流星模翰喜曰此天贊之祥遂進兵殺獲甚衆以功加侍中略地鹽山破饒安晉人震怖不敢接戰加太傅晉杜重威領兵三十萬來拒模翰謂左右曰軍法在整不在多以多陵少不義必敗其晉之謂乎詰旦以麾下三百人逆戰殺其先鋒梁漢璋餘兵敗走手詔褒美頃之杜重威等復至滹沱河模翰守中渡橋復敗之車駕入汴加特進檢校太師封愬郡開國公賜璽書劍器爲汴州巡檢使平汜水諸山土賊遷鎮中京天祿二年加開府儀同三司賜對衣鞍勒名馬應歷初召爲中臺省右相時北漢爲周所侵遣使求援命模翰赴之模翰以葦機渡胡盧河攻冀州周人莫敢應獲丁壯數百人而還據穆宗本紀及實治通鑑增入九年正月遷左相卒趙思溫字文美盧龍人少果銳膂力兼人隸燕帥劉仁恭幕李存勗罪於燕思溫統偏師拒之流矢中目裂裳漬血戰猶不已爲存勗將周德威所擒存勗壯而釋之日見信用與梁戰於莘縣以饒勇聞授平州刺史兼平營薊三州都指揮使神册二年太祖遣將略燕地思溫來降及伐渤海以思溫爲漢軍都團練使力戰拔扶餘城身被數創太祖親爲調藥太宗卽位以功擢檢校太保保靜軍節度使天顯十一年唐攻太原石敬瑭求救帝命思溫自嵐憲間出兵援之旣罷兵改南京留守盧龍軍節度使管內觀察處置等使開府儀同三司兼侍中賜協謀

靜亂翊聖功臣尋改臨海軍節度使會同初使晉行冊禮還加檢校太師二年卒贈太師魏國公子延昭通鑑作延昭

晉鄆州刺史

延靖官至使相

耶律烏魯斯六院額爾奇木博果濟之後育勇略每戰被重鎧揮鐵槊所向披靡會同間伐晉帝至河而獵縱海東青鵠搏雉晉人隔水以鵠引去帝顧左右曰誰爲我得此人烏魯斯請內廐馬濟河擒之并殺救者數人還帝大悅優加賞賚既而晉將杜重威逆於望都據水勒戰烏魯斯介馬突陣餘軍繼之被圍衆言陣薄處可出烏魯斯曰恐彼有他備竟引兵衝堅而出廻視衆所指皆大塹也其料敵多此類是年總領迪里皮室軍坐私免部曲奪官卒

張礪磁州人初仕唐爲掌書記遷翰林學士會石敬瑭起兵唐主以礪爲招討判官從趙德鈞援張敬達于河東及敬達敗礪入契丹太宗見礪剛直有文彩擢翰林學士臨事必盡言無所避帝益重之未幾謀亡歸爲追騎所獲帝責之礪對曰臣不習北方土俗飲食居處意嘗鬱鬱以是亡耳帝顧通事高彥英曰朕嘗戒汝善遇此人何乃使失所而亡杖彥英而謝礪會同初陞翰林承旨兼吏部尙書從帝伐晉入汴諸將蕭翰耶律朗鄂滿達輩肆殺掠礪奏曰今大遼始得中國宜以中國人治之不可專用國人及左右近習苟政令乖失則人心不服雖得之亦將失之帝不聽改右僕射兼門下侍郎同中書門下平章事

按遼史百官志門下侍郎兼中書門下平章事兼中書省係礪兼官原文作門下侍郎平

章事者誤也

帝在汴將視朝有司給礪三品冠服礪曰吾在上國時晉奉冊北朝賚二貂冠其一宰相韓延徽

冠之其一命我服之今其可降服耶卒冠貂蟬以朝

據五代史

晉入車駕北還至樂城崩時礪臥病恆州蕭翰等以兵圍

其第數之曰汝何故於先帝言國人不可爲節度使我以國舅之親有征伐功先帝留我守汴汝獨以爲不可又

譖我掠人財物子女今必殺汝趣鎖之礪抗聲曰此國家大體安危所繫吾嘗言之欲殺卽殺奚以鎖爲滿達以礪大臣不可專殺乃救止之是夕礪恚憤卒



欽定續通志卷四百十八

列傳

遼二

耶律烏哲

唐古

耶律厚

和勒博

耶律安圖

蕭塔喇噶

耶律塔喇

耶律伊勒哈

蕭和斯

高勳

耶律薩哈

耶律賢適

室昉

紐哩

劉景

郭襲

耶律蘇色

耶律阿穆爾

邢抱朴

馬得臣

耶律和克

穆爾古

耶律烏哲字達年系出孟父房姿簡靜有器識重然諾遇事造次處之從容人莫能測博學知天文會同間爲特哩哀太宗崩諸大臣立世宗太后聞之怒甚遣皇子魯呼以兵逆擊敗於泰德泉魯呼盡執世宗臣僚家屬謂守者曰我戰不克先殪此曹人皆恟恟軍次潢河橫渡隔岸相拒時烏哲從太后世宗以烏哲善籌欲行間乃設事奉書以試太后太后得書以示烏哲烏哲曰太后佐太祖定天下故臣願竭死力若太后見疑臣雖欲盡忠得乎爲今之計莫若以言和解事必有成否卽宜速戰以決勝負人心一搖國禍不淺又曰魯呼永康王皆太祖子孫神器非移他族太后宜思長策與永康王和議太后曰誰可遣者對曰太后不疑臣臣請往萬一永康王見聽廟社之福太后乃遣烏哲授書于帝帝遣宣徽使耶律哈斯復書辭多不遜烏哲諫曰書意如此國家之憂未艾也能釋怨以安社稷則臣以爲莫若和帝曰彼衆烏合安能敵我烏哲曰卽不敵奈骨肉何況未知孰勝借曰幸勝諸臣之族孰於魯呼者無噍類矣左右聞者皆失色帝讓之曰汝與朕屬尤近何反助太后烏哲曰臣以社稷至重不可輕付故如是耳

原文在許立永康下今依弘簡錄收

良久帝問曰若何而和烏哲對曰與太后相見各紓忿恚和之不難不

然決戰非晚帝然之遂遣哈斯詣太后約和往返數日議乃定始相見怨言交讓殊無和意太后謂烏哲曰汝當爲我畫之烏哲進曰太后與大王若能釋怨臣乃敢進說太后曰汝第言之烏哲借謁者籌執之謂太后曰昔人皇王在何故立嗣聖太后曰立嗣聖者太祖遺旨又語帝曰大王何故擅立不稟尊親答曰人皇王當立而不立我正當立烏哲正色曰人皇王捨父母之國而奔唐子道當如是耶大王見太后不少遜謝惟怨是尋太后牽于偏愛託先帝遺命妄授神器如此何敢望和當速交戰擲籌而退太后泣曰向太祖遭諸弟亂天下荼毒瘡痍未復庸可再乎乃索籌一帝曰父不爲而子爲又誰咎也亦取籌而執左右感激大慟太后復謂烏哲曰議旣未定神器竟誰歸烏哲曰太后若授永康王順天合人復何疑魯呼厲聲曰我在烏裕安得立烏哲曰禮有世嫡不傳諸弟昔嗣聖之立尙以爲非況公暴戾殘忍人多怨讟萬口一辭願立永康王不可奪也太后顧魯呼曰汝實自爲之乃許立永康天祿二年耶律天德蕭翰謀反下獄特哩袞瑠格及其弟瑨都結天德等爲亂耶律寶喇潛告烏哲烏哲遽引入見白其事瑠格等不服事遂寢未幾瑠格邀駕觀樗蒲捧觴上壽袖刃而進帝覺命執之親詰其事瑠格自誓帝復不問烏哲奏曰當使瑠格與寶喇對狀不可輒恕帝曰卿爲朕鞫之烏哲率劍士訊之天德等皆伏罪三年爲右皮室按遼史傳繫之五年考察克傳烏哲列察克茲狀時已爲右皮室詳袞而察克之行弒在五年蓋因事聯屬而誤綴謹改正表列泰寧王察克陰謀事帝不聽五年秋察克弒帝烏哲聞有言衣紫者不可失乃易衣而出亟遣人召諸王及喻禁衛長皮室等同力討賊時壽安王歸帳烏哲遣弟冲迎之王至尙猶豫烏哲曰大王嗣聖子賊若得之必不容羣臣將誰事社稷將誰賴萬一落賊手悔將何及王始悟諸將聞烏哲出相繼而至遲明整兵出賊不意圍之遂誅察克亂旣平穆宗卽位謂烏哲曰朕之性命實出卿手命知國事以逆黨財產盡賜之烏哲固辭應歷五年爲北院大王總山